

輿地廣記



輿地廣記卷十二

宋

歐

陽

忞

撰

原闕

屬趙州唐初屬定州大歷三年屬恒州皇朝端拱元年來屬

中深澤縣漢曰南深澤屬涿郡後漢屬安平國晉屬博陵國元魏屬博陵郡北齊廢之隋開皇六年復置曰深澤屬博陵郡唐屬定州景祐三年屬祁州皇朝熙寧六年省入鼓城元祐元年復置

望趙州春秋時屬晉戰國時屬趙秦屬邯鄲郡漢屬恒山鉅鹿郡後漢因之兼置冀州晉為趙國後魏為趙郡明帝兼置殷州北齊改為趙州隋改為欒州後復為趙

郡唐爲趙州天寶元年曰趙郡皇朝崇寧四年升慶元軍節度今縣五

望平棘縣二漢屬常山郡晉屬趙國後魏爲趙郡治焉隋開皇初郡廢大業初復置唐屬趙州宋子縣昔秦高漸離匿作于宋子擊筑而歌卽此地漢屬鉅鹿郡後漢省之元魏復置屬鉅鹿郡隋大業初省入平棘故城在今縣北

望寧晉縣本瘦陶地縣漢屬鉅鹿郡後漢晉元魏爲郡治焉隋屬趙郡唐屬趙州天寶元年改爲寧晉

上臨城縣本晉邑左傳哀四年趙稷奔臨是也二漢爲房子縣屬常山郡晉爲趙國治焉元魏屬趙郡北齊省之隋開皇六年復置屬趙郡唐屬趙州天寶元年改爲臨城有泚水韓信斬成安君子此

中隆平縣本廣阿漢屬鉅鹿郡後漢省之元魏復置屬趙郡兼置殷州後改爲趙州隋開皇六年置樂州仁壽元年改廣阿爲象城大業初州廢改縣爲大陸屬趙郡唐屬趙州武德四年復改爲象城天寶元年改爲昭慶以有建初啓運二陵故也皇朝開寶五年改

爲隆平熙寧六年省入臨城元祐元年復置

中高邑縣本曰鄆晉邑也左傳哀四年齊國夏伐晉取

鄆卽此漢屬常山郡後漢光武卽位此地更名高邑

爲冀州刺史治焉晉屬趙國元魏及隋屬趙郡唐屬

趙州柏鄉鎮漢縣屬鉅鹿郡後漢省之隋開皇十六

年復置屬趙郡唐屬趙州皇朝熙寧五年省入高邑

贊皇鎮隋開皇十六年置取贊皇山爲名屬趙郡唐

屬趙州皇朝熙寧五年省入高邑

下保州五代以上地理與莫州同皇朝置保塞軍後升

爲保州政和三年屬清苑郡

望保塞縣本漢涿郡之樊輿中山之北新城地後廢置

不常北齊省入永寧縣改爲樂鄉隋開皇十八年改

爲清苑屬河間郡唐屬瀛州景雲二年屬莫州皇朝

建隆元年以縣地置保塞軍太平興國六年升爲保

州改清苑爲保塞縣

同下州安肅軍自五代以上地理與易州同皇朝置靜

戎軍後改爲安肅軍今縣一

中安肅縣本易州遂成縣地皇朝太平興國六年以遂

城之宥戎改置靜戎軍及靜戎縣景德元年改軍興縣皆為安肅焉

同下州永寧軍自五代以前地理與中山府同皇朝置寧邊軍後改為永寧軍今縣一

望博野縣本蠡吾漢屬涿郡後漢屬中山國桓帝父蠡吾侯葬此追尊為孝崇皇其陵曰博陵因分置博陵縣晉改曰博陸為高陽國治後魏改為博野北齊省蠡吾入焉隋屬河間郡唐武德四年置蠡州貞觀元年州廢屬瀛州永泰中屬深州周屬定州皇朝熙寧

四年以博野縣地置寧邊軍景德元年改永定天聖四年改永年

同下州廣信軍自五代以上地理與易州同皇朝置威寧軍後改為廣信軍今縣一

中遂城縣本北新城漢屬中山國後漢屬涿郡晉屬高陽國後曰武遂北齊改曰新昌隋開皇十八年改曰遂城屬上谷郡唐屬易州皇朝太平興國六年置威寧軍景德元年改曰廣信

中下州順安軍自唐以上地理與瀛州同如意元年析

河間縣置武興屬瀛州神龍元年更名唐興景雲二年屬莫州五代時屬瀛州後廢焉皇朝太平興國六年以廢唐興縣地置唐興塞淳化三年升爲順安軍今縣一中高陽縣漢屬涿郡後漢置河間國晉屬高陽國後置高陽郡隋開皇初郡廢十六年置蒲州大業初州廢屬河間郡唐武德四年置蒲州貞觀元年州廢屬瀛州皇朝至道三年屬順安軍

河北路化外州

安東上都護府春秋戰國屬燕秦立遼東二漢因之漢

末爲公孫度所據魏晉亦爲遼東郡後慕容廆居之後魏時高麗國都其地唐總章元年李勣平高麗得城百七十六分其地爲都督府九州四十二縣一百置安東都護府于平壤城以統之用其首渠爲都督刺史縣令上元三年徙遼郡故城儀鳳二年又徙新城聖歷元年更名安東都督府神龍元年復故名開元二年徙于平州天寶二年又徙于遼西故郡城至德後廢領羈縻州十四

新地州都督府

遼城州都督府

哥勿州都督府

建安州都督府

南蘇州

木底州

蓋牟州

代那州

倉巖州

磨米州

積利州

黎山州

延津州

安市州

大都督幽州武王封召公奭于燕都此及秦滅燕以爲

上谷郡漢高帝分立燕國昭王元鳳元年爲廣陽郡宣

帝太始元年更爲國東漢建武中併入上谷郡永平八

年復立爲郡兼立幽州魏晉爲燕國前燕慕容儁初都

其地元魏立幽州及燕郡北齊置東北道行臺後周平

齊置總管府隋開皇初郡廢大業初府廢立涿郡唐武  
德元年爲幽州天寶元年曰范陽郡升爲盧龍軍領縣  
九

望薊縣周武王克商封帝堯之後于薊又封召公于北

燕其後燕國都薊與六國俱稱王爲秦所滅屬上谷

郡二世時韓廣自立爲燕王項氏封臧荼漢高帝封

盧綰相繼爲王皆都其地後改爲廣陽國東漢爲郡

兼立幽州魏晉爲燕國前燕慕容儁自和龍徙都于

此後又徙鄴元魏亦爲幽州及燕郡隋煬帝立涿郡



唐爲幽州

望幽都縣本薊縣地隋于營州之境汝羅故城置遼西郡以處粟末靺鞨降人武德元年曰燕州領遼西盧河懷遠三縣是年省盧河六年自營州遷于幽州城中以首領世襲刺史貞觀元年省懷遠開元二十五年徙治幽州北桃谷山天寶元年曰歸德郡建中二年爲朱滔所滅因廢爲縣與薊分治郭下在府北一里

上廣平縣天寶元年析薊置三載省至德後復置

上潞縣二漢屬漁陽郡晉屬燕國元魏屬漁陽後爲郡治隋開皇初郡廢屬涿郡唐武德二年自無終徙漁陽郡于此置立州貞觀元年州廢來屬

上武清縣本雍奴二漢屬漁陽郡晉屬燕國隋屬涿郡唐屬幽州天寶元年改名

緊永清縣本武隆唐如意元年析安次置景雲元年曰會昌天寶元年改名

上安次縣漢屬渤海郡東漢屬廣陽郡晉屬燕國元魏屬燕郡隋屬涿郡唐屬幽州

望良鄉縣兩漢屬涿郡晉屬范陽國元魏屬燕郡隋屬涿郡唐屬幽州聖歷元年改曰固節神龍元年復故名有大防山

望昌平縣漢屬上谷郡東漢屬廣陽郡晉屬燕國元魏省後置東燕州及平昌郡後周州郡皆廢後又置平昌郡隋開皇初郡廢屬涿郡唐因之北十五里有軍都陁西北三十五里有納款關即居庸故關亦謂之軍都關其北有防禦軍古夏陽川也

上涿州歷代地理與幽州同漢高帝立涿郡東漢因之

魏文帝更名范陽郡漢武帝改為范陽國以封宣帝弟子綏為王元魏北齊後周復原開皇初郡廢屬涿郡唐大歷四年節度使朱希彩原後曰涿郡領縣四

上范陽縣原本涿郡魏范陽郡晉范陽國元魏以後復為郡隋開皇初廢屬涿郡唐武德七年改涿縣曰范陽屬幽州

上固安縣本原廣陽國東漢屬涿郡晉屬范陽國唐貞觀元年自章信城移固安縣治此屬幽州後來屬

上新昌縣漢屬涿郡東漢省之唐大歷四年析固安復

置

上新城縣本漢涿縣地唐太和六年析范陽置有督亢  
陂溉田號為膏腴燕太子丹使荆軻以督亢地圖獻  
秦王即此

上易州歷代地理與幽州同秦屬上谷郡二漢屬涿郡  
魏屬范陽郡晉屬范陽國元魏復屬范陽郡隋開皇初  
立易州及黎郡尋廢大業初州廢立上谷郡唐為易州  
天寶元年曰上谷郡領縣四

上易縣本漢固安縣屬涿郡魏晉元魏屬范陽郡北齊

省固安縣隋立易州又為上谷郡唐因之漢故安縣  
故城在今縣南易水所出燕太子丹送荆軻入秦祖  
道于水上軻起為壽歌曰風蕭蕭兮易水寒壯士一  
去兮不復還即此

上涑水縣本二漢

原

郡晉屬范陽國元魏屬范陽郡後

周省之隋開皇初

原

晉屬易州六年改曰固安八年

省十年置永陽

縣

原

涑水唐因之

中滿城縣漢北

原

元魏晉永樂縣為樂浪郡倚治北齊

屬黎

原

廢屬易州唐天寶元年更名滿城有郎山

輿地廣記

卷三

中下玉田縣唐開元二年

原闕

安縣置升置樓亭板城二

縣天寶後二縣省

下檀州歷代地理與幽州同

原闕

陽右北平二郡地二漢

因之元魏立密雲廣陽安樂三縣北齊廢密雲廣陽二

郡入安樂後周改州為玄州隋開皇初郡廢十六年州

徙尋立檀州大業初州廢唐武德元年復為檀州天寶

元年曰密雲郡領縣二

中密雲縣本二漢庠奚縣地屬漁陽郡後省元魏立密

雲郡及密雲縣北齊郡廢屬安樂郡省白檀要陽二

縣入焉隋屬檀州後屬安樂郡唐自燕樂徙檀州治

焉元魏又立安樂郡領安市土垠二縣北齊省土垠

入安市後周省安市入密雲隋開皇初郡廢故白檀

要陽二縣漢屬漁陽郡東漢省之元魏復置分屬故

土垠縣二漢及晉屬右北平郡元魏屬漁陽郡後分

屬

中燕樂縣元魏屬廣陽郡兼立安州北齊郡廢屬安樂

郡省廣興方城二縣入焉後周改州曰玄州隋徙玄

州尋立檀州後為安樂郡唐屬檀州

下薊州歷代地理與幽州同古為漁陽古北平二郡地漢因之後廢隋文帝徙玄州于此復置總管府煬帝初置漁陽郡唐武德元年郡廢入幽州開元十八年分立薊州天寶元年曰漁陽郡領縣三

中漁陽縣漢舊縣屬漁陽郡晉省之復置元魏屬漁陽郡後又省隋末復置唐屬幽州開元十八年析置薊

州有鮑邱水

中三河縣唐開元四年析原州

中玉田縣本無終春秋無終子國也二漢及晉屬右北

平郡元魏屬漁陽郡後省北齊復置隋為原郡治後

省唐武德二年復置屬幽州貞觀元年省開封二年

復置神龍元年屬營州原八年復曰營州一年又屬

幽州十八年來屬原雒陽原至孝父母沒葬之于無

終山山高八十里原為水原置飲焉有人就飲與石

一斗令種之而原石處名曰玉田後因以名縣故徐

無縣二漢及晉原右北平郡元魏屬漁陽郡後周廢

入無終

上薊州歷代地理與幽州同秦立上谷郡二漢因之晉

太康中分立廣甯郡二魏曰廣寧郡北齊立北燕州及長寧永豐二郡後周去北字隋開皇初郡廢大業初州廢入涿郡唐武德七年平高開道立北燕州貞觀八年更名天寶元年曰媯川郡領縣一

上懷戎縣本二漢潘縣屬上谷郡唐屬廣甯郡北齊改置懷戎縣及立北燕州後周曰燕州唐爲北燕州後改曰媯州天寶析置媯州縣尋省媯水貫中故涿鹿縣二漢屬上谷郡晉屬廣甯郡後省昔黃帝與蚩尤戰于涿鹿卽此涿鹿城東一里有阪泉黃帝與炎帝

戰于阪泉卽此東北五十里有居庸塞東連盧龍碣石西屬太行常山實天下之險有鐵門關有磨笄山趙襄子滅代其姊磨笄自殺因爲名代人憐之爲立祠

下平州商時爲孤竹國春秋時山戎肥子二國地戰國屬燕秦爲遼西右北平二郡地二漢因之晉屬遼西郡元魏屬遼西北平二郡兼立平州北齊廢遼西入北平隋開皇初郡廢大業初州廢復爲北平郡唐武德二年曰平州天寶元年曰北平郡領縣三

中盧龍縣本肥如春秋晉滅肥肥子奔燕受封于此故曰肥如二漢及晉屬遼西郡元魏爲郡兼立平州北齊屬北平郡隋開皇六年省肥如入新昌十八年改新昌曰盧龍爲郡治焉唐爲平州故令支縣二漢屬遼西郡晉省之有孤竹故城伯夷叔齊讓國于此漢靈帝時遼西太守廉翻夢人謂已曰余孤竹君之子伯夷之弟也遼海漂吾棺槨聞君仁善願見藏覆明日視之水上有浮棺吏笑者無疾而死於是改葬之爲立祠焉有盧龍塞道自無終縣東出渡濡水向林

蘭陁東越清陁至凡城二百許里故魏志言田疇引軍出盧龍塞陁白壇歷平置登白狼望柳城是也有濡河

中石城縣本臨渝二漢屬遼西郡晉省入陽樂隋末復置唐武德七年省貞觀十五年復置萬歲通天二年更名故秦縣漢屬遼西郡故驪成縣漢屬右北平郡東漢皆省焉有禹貢碣石山秦皇漢武皆登之以望巨海其石碣然而立在海旁故名之晉太康地志云秦築長城所起自碣石在今高麗界非此碣石也有

臨渝關

中馬城縣本海陽縣地二漢及晉皆屬遼西郡唐開元二十八年置馬城縣以通水運

上都督府營州商時孤竹縣地春秋時屬山戎戰國屬燕秦屬遼西郡二漢及晉皆因之前燕慕容皝自徒河之青山徙都于此後燕慕容寶北燕馮跋亦都焉元魏亡營州領昌黎建德遼東樂浪冀陽營邱六郡北齊廢昌黎遼東樂浪營邱併入建德冀陽二郡後周平齊其地爲高寶寧所據隋開皇初克之大業初州廢立遼西

郡唐武德元年曰營州萬歲通元年爲契丹所陷至歷二年僑治漁陽開元五年又還治柳城天寶元年曰柳城郡領縣一

中柳城縣漢屬遼西郡爲西部都尉治東漢省慕容皝以柳城之北龍山之南爲福德地也乃營建都邑改柳城曰龍城而徙居于此時有黑龍白龍各一鬪于龍山皝親觀之祭以太牢二龍交首嬉翔解角而去皝悅號新宮曰和龍宮後慕容寶馮跋相繼都焉元魏立營州及昌黎郡北齊廢郡隋開皇初改龍城縣



曰龍山十八年復改曰柳城後立遼西郡唐曰營州  
 漢交黎縣屬遼西故城在東南徙河縣屬遼西故城  
 在東北青山慕容廆所據在東百九十里棘城高陽  
 氏之墟在東南百七十里鮮卑山在東南二百里有  
 雞鳴山白狼水

臣謝 墉恭校

輿地廣記卷十三

宋 歐陽 忞 撰

陝西永興軍路上

次府京兆府本周室所居謂之宗周平王東遷地入於  
 秦至孝公徙都焉始皇置內史漢元年屬塞國二年為  
 渭南郡高帝都此九年復為內史武帝建元六年分為  
 右內史太初元年更為京兆尹王莽既敗更始赤眉相  
 繼據之後漢都洛陽仍以此為京兆尹獻帝亦常都此  
 魏改尹為太守後改為秦國復為京兆國晉為京兆郡

兼置雍州愍帝亦都之其後為劉曜苻堅姚興所據後魏亦為京兆郡兼置雍州後周復為京兆尹隋初置雍州後改為京兆郡唐初為雍州開元元年改為京兆府後周隋唐皆為帝都昭宗遷洛廢為佑國軍梁初改京兆府曰大安佑國軍曰永平軍後唐復為西京晉廢為晉昌軍漢改曰永興軍今縣十五

次赤長安縣本宗周之地文王作豐本縣西北靈臺鄉豐水上是也武王作鎬今昆明池北鎬陂是也秦為咸陽縣地漢高帝五年置長安縣惠帝元年城之經

緯各長十五里城中皆屬長安今長安故城是也後漢因之晉及後魏為京兆郡後周都焉隋開皇三年自漢長安故城東南移二十里置新都前直子午後枕龍首山左臨灞岸右抵澧水唐因之有終南山澧水鎬水

次赤萬年縣本漢長安縣地後周始於長安城中置萬年縣取漢縣為名隋文帝龍潛封號大興開皇三年改曰大興縣唐武德元年復故名漢杜陵縣故杜伯國周武王滅唐而遷之於此宣王以無罪殺杜伯杜

伯之神射王於鎬故有周右軍將杜主祠秦武公十一年縣之漢宣帝以杜東原上爲初陵故更名杜爲杜陵屬京兆尹後漢及晉因之後魏改曰杜城後周廢之故城在今縣南漢霸陵縣本秦芷陽文帝葬其上改曰霸陵陵在霸水之西霸水故滋水也秦穆公更名以顯霸功晉曰霸城後魏曰西霸城後周廢之故城在今縣東南漢南陵縣故城在今縣東南有白鹿原長樂陂在漣坡隋文帝更名有灞水

次畿鄠縣有有扈國有甘水出南山甘谷北入渭秦孝

文王起資陽宮於此二漢屬右扶風晉屬始平郡隋屬京兆郡唐因之

次畿藍田縣漢屬京兆尹後漢晉皆因之後周置藍田郡尋廢隋屬京兆郡唐因之南有藍田關故嶢關也漢高帝自武關攻秦用張良計破秦於此

次畿咸陽縣秦孝公十二年都咸陽築冀關自櫟陽徙都之其後始皇以爲咸陽人多先王之宮庭小吾聞豐鎬之間帝王之都也乃營作朝宮渭南上林苑中先作前殿阿房東西五百步南北五十丈爲複道自

阿房渡渭屬之咸陽以象天極閣道絕漢抵營室云  
 後項籍屠咸陽燒其宮室漢高帝元年更名新城七  
 年罷屬長安武帝元鼎二年別為渭城縣屬右扶風  
 後漢省之唐武德元年析涇陽如平置咸陽縣屬京  
 兆府秦咸陽故城在縣東十五里漢渭城故城在今  
 縣東北故杜郵也秦白起遷陰密出咸陽西四十里  
 至杜郵賜死卽此地漢長陵縣高帝所葬屬左馮翊  
 後漢屬京兆尹晉省之故城在今縣境

次畿醴泉縣漢谷口縣屬左馮翊故城在今縣北鄭子

真其縣人也後漢省之後魏置寧夷縣西魏置寧夷  
 郡後周改爲秦郡後廢隋開皇十八年改縣曰醴泉  
 屬京兆郡唐因之有九嶼山

次畿涇陽縣本秦故縣昭王封其弟涇陽君於此漢及  
 晉爲池陽縣地後置涇陽縣及咸陽郡隋開皇初郡  
 廢屬京兆郡唐因之有焦護澤謂之瓠中

次畿櫟陽縣秦獻公自雍徙居櫟陽而天雨金周太史  
 儋見獻公曰周故與秦國合而別別五百歲復合七  
 十歲而霸王出焉項羽立司馬欣爲塞王都此漢高

帝初取亦嘗居之太上皇葬櫟陽起萬年陵因分置萬年縣後漢省櫟陽入萬年晉屬京兆郡後周徙萬年置於長安城中而移廣陽縣置於故萬年城隋開皇三年改萬年爲大興而復改廣陽爲萬年屬京兆郡唐武德元年復改大興爲萬年而改萬年爲櫟陽屬京兆府

次畿高陵縣本秦故縣昭王封弟高陵君於此二漢屬左馮翊魏文帝改曰高陸晉屬京兆郡隋大業初復改曰高陵屬京兆郡唐屬京兆府

次畿興平縣本周大邱懿王都之秦改曰廢邱項羽立章邯爲維王都此漢高帝三年更名槐里屬右扶風晉置始平郡後置扶風郡而改槐里曰始平縣隋開皇初郡廢屬京兆郡唐屬京兆府景龍四年中宗送金城公主入蕃別於此二漢曰金城縣至德二年改曰興平

次畿臨潼縣驪山在南故驪戎國周幽王遇犬戎之禍於此秦曰驪邑漢高帝七年太上皇思東歸高帝於是改築城寺街里以象豐徙民以實之命曰新豐屬

京兆尹後漢及晉皆因之唐屬京兆府垂拱二年改曰慶山神龍元年復故名三年析新豐萬年置會昌縣七年自新豐入焉改曰昭應屬京兆府皇朝大中祥符八年改曰臨潼唐置宮在驪山下咸亨二年始名溫泉宮天寶元年更名驪山曰會昌山六年更名溫泉曰華清宮宮治湯井爲池環山列宮室又築羅城置曰司及十宅焉有鴻門漢高帝會項羽於此有戲水陳涉遣將周章西入關至戲是也

次畿武功縣本郿邑后稷所封郿亦作獫漢屬右扶風後漢省入郿武功亦漢縣本在渭南屬右扶風後漢因之晉屬始平郡後周置武功郡建德中郡廢而置武功於故獫城今縣是也隋屬京兆郡唐屬京兆府漢美陽縣屬右扶風後漢及晉皆因之後周省入武功故城在今縣北七里有太乙山禹貢所謂終南有垂山禹貢所謂敦物也

次畿乾祐縣本安業縣唐萬歲通天元年析商州之豐陽置景龍三年屬雍州景雲元年屬商州乾元元年改爲乾元縣漢改曰乾祐屬京兆府

次畿奉天縣唐文明元年析醴泉始平好時武功永壽  
置以奉乾陵陵在北五里屬京兆府德宗避涇卒之  
亂出居於此爲朱泚所圍賴城扞城得以不陷乾寧  
二年以縣置乾州皇朝熙寧三年州廢復來屬  
次畿終南縣本漢藍田縣地唐武德二年析置終南縣  
貞觀八年省後爲清平縣皇朝大觀二年復置  
次府河中府周時爲魏國春秋時屬晉以封大夫畢萬  
戰國時魏惠王徙都大梁而其地入秦後置河東郡二  
漢晉皆因之兼置雍州後魏復爲秦州後周改爲蒲州

隋初郡廢煬帝初州廢復置河東郡唐初爲蒲州開元  
八年置中都爲府是年罷都爲州乾元三年復爲河中  
府尋罷後爲河中節度皇朝太平興國七年改爲護國  
軍今縣八

次赤河東縣故蒲坂舜之所都有歷山媯汭水春秋文  
十二年晉人秦人戰於河曲在縣南戰國屬魏秦昭襄  
王四年取蒲坂後屬河東都二漢及晉因之後魏後周  
皆爲郡焉隋開皇初郡廢十六年析置河東縣大業初  
復置郡省蒲坂入焉唐初爲蒲州後爲河中府

次畿臨晉縣本桑泉左傳僖二十四年晉公子重耳濟河入桑泉是也漢爲解縣地隋開皇十六年析猗氏置桑泉縣屬河東郡唐屬河中府天寶十三年改爲臨晉解本春秋時解梁二漢及晉屬河東郡後徙焉故城在今縣東南

次畿猗氏縣本令狐左傳僖二十四年晉公子重耳濟河圍令狐是也縣南對澤卽猗頓之故居頓魯之窮士聞朱公富往問術焉朱公曰子欲速富當畜五牝於是乃適西河大畜牛羊十年之間其畜不可計貴擬王公

故遂以猗氏名縣漢屬河東郡後漢晉皆因之西魏改曰梁泉後周復故隋屬河東郡唐屬河中府有郇城周文王子所封詩所謂郇伯勞之者也

次畿虞鄉縣本漢解縣地元魏分置虞鄉縣隋因之唐武德元年改虞鄉爲解縣而於解西五十里別置虞鄉縣屬蒲州後屬河中府

次畿萬泉縣唐武德三年析稷山安邑猗氏汾陽龍門置屬絳州大順二年來屬

次畿龍門縣古耿國商祖乙自相徙居之春秋時晉獻



公滅耿以賜大夫趙夙戰國時屬魏爲皮氏縣秦惠王渡河取皮氏二漢屬河東郡魏晉屬平陽郡後魏改爲龍門兼置郡隋開皇初郡廢屬河東郡唐武德二年秦州徙治此貞觀十七年州廢屬絳州元和初來屬有龍門山禹貢所謂導河積石至於龍門是也

次畿榮河縣本魏之汾陰縣秦惠王渡河取汾陰卽此漢屬河東郡武帝立后土祠於汾陰唯上親望拜如上帝禮後漢亦屬河東郡晉省之後魏復置兼置汾陰郡隋開皇初郡廢屬河東郡唐武德元年改曰秦州貞觀

十七年州廢來屬開元十年明皇祀后土獲寶鼎因改爲寶鼎縣皇朝大中祥符四年改寶鼎縣曰榮河置慶城軍熙寧元年廢軍以榮河來屬

永樂縣古魏國詩序所謂魏地狹隘者也春秋時晉獻公滅魏以賜大夫畢萬漢爲北縣屬河東郡魏晉皆因之後縣東徙焉唐武德元年分芮城置永樂縣以永樂澗爲名屬芮州州廢屬鼎州貞觀八年來屬後又屬虢州神龍元年復來屬禹貢雷首山在北山南曰首陽伯夷叔齊隱居其下

大都督府陝州昔周公分陝之所春秋虢國之地所謂北虢也戰國爲韓秦屬三川郡二漢及晉皆屬弘農郡後魏置弘農郡兼置陝州隋開皇初郡廢大業初州廢屬河南郡義寧元年置弘農郡唐武德元年曰陝州天寶元年更曰陝郡天祐元年昭宗居陝升爲興唐府哀帝初復故號曰保義軍皇朝太平興國元年改保平軍今縣七

上陝縣古虢國所謂上陽也故城在今縣東漢屬弘農郡後漢及晉皆因之後魏置陝州及弘農郡後周因之

隋屬河南郡唐復爲陝州有焦國周武王封炎帝之後於此有莘原魯莊公三十二年有神降於莘卽此石壕鎮本嶠縣後魏置唐武德八年來屬貞觀十四年改爲硤石縣姚崇其邑人也皇朝熙寧六年自爲鎮有禹貢底柱山山有三門河所經唐太宗勒銘於此

上平陸縣本虞虢之地吳山在西上有虞城舜始封於此至周武王時封太王子仲雍之後是爲虞公春秋時晉所滅虢下陽邑在東北漢爲太陽縣屬河東郡後漢及晉皆因之後廢焉而置河北縣及河北郡隋開皇初

郡廢屬蒲州唐貞觀元年來屬天寶元年太守李齊物開三門以利運漕得古刃有篆文曰平陸因更名有傳巖在北卽傳說築處有茅津在西南對陝城魯文公時秦伯伐晉晉人不出遂自茅津濟卽此

上夏縣本夏禹之都漢爲安邑縣地復置夏縣及安邑郡隋開皇初郡廢屬虞州唐貞觀十七年屬絳州乾元三年來屬有巫咸山蓋神巫所遊故山得其名

上靈寶縣古函谷關秦人恃之以爲險固漢武帝徙關於新安而以故關置宏農郡及宏農縣東漢因之元魏

置宏農郡隋開皇十六年置桃林縣屬洛州唐武德元年來屬天寶元年得天寶靈符於古函谷關因改元兼改縣靈寶關在縣西南十里老子西遊至關關令尹喜先見其氣知真人當過物色而得之曰子將隱矣強爲我著書孟嘗君自秦逃歸夜半至關其客效鷄鳴遂得出關戰國時九國叩關而攻秦秦人開關延敵九國之師逡巡而不敢進曹陽亭在縣東十三里秦章邯敗陳涉將周文於此漢獻帝歸至此爲李傕郭汜所逼遂露次焉曹公改爲好陽縣西南境卽古桃林之野東北有

桑田亭春秋號公敗戎於桑田即此

中下芮城縣本魏國地魯桓公時芮伯為母姜氏所逐自今馮翊縣界出居於魏即此地也漢為河北縣地後周改曰芮城置永樂郡郡後廢焉隋屬河東郡唐武德二年置芮州貞觀元年州廢來屬

中下湖城縣本曰湖黃帝采首陽之銅鑄鼎於荆山下鼎既成有龍垂胡顛下迎黃帝後世因名其處曰鼎湖漢武帝改曰湖屬京兆尹戾太子敗亡至此自殺後漢漢屬弘農郡晉因之後曰湖城隋改為闕鄉縣唐屬虢

州皇朝太平興國三年來屬縣之南境諸山東北連函谷西北連潼關皆古桃林之地

中下闕鄉縣本漢湖縣之闕鄉後湖城縣徙此焉隋開皇十六年改為闕鄉屬河南郡唐武德元年屬鼎州貞觀八年屬虢州皇朝太平興國三年來屬漢戾園在今縣東南

中都督府延安府春秋白翟之地秦屬上邽漢初為翟國尋復為上郡後漢因之漢末羌胡大擾戶口流散郡縣皆廢焉後魏置東夏州西魏改曰延州置總管府隋

置延安郡唐復爲延州梁號忠義軍後唐曰改彰城皇朝升延安府今縣七

中膚施縣秦屬上郡二漢因之後廢焉隋大業三年置延安郡唐爲延州豐林鎮本漢臨河縣地元魏置廣武縣隋改曰豐林屬延安郡唐屬延州皇朝熙寧五年省入膚施金明寨本秦高奴縣項羽立董翳爲狄王都高奴卽此漢屬上郡東漢因之漢末廢焉元魏置廣樂縣隋改金明屬延安郡後廢焉唐武德二年析膚施復置以縣置北武州貞觀二年州廢來屬皇朝熙寧五年省

入膚施

中延川縣漢臨河縣地屬朔方郡東漢省之西魏置縣曰文安及置郡隋開皇初郡廢改縣爲延川屬延安郡唐屬延州延水鎮本安民縣唐武德二年析延川置皇朝熙寧八年省入延川

中延長縣膚施縣地西魏置延安縣隋屬延安郡唐屬延州廣德二年改爲延長

中門山縣後周置隋大業初省入汾川唐武德三年復置屬丹州廣德二年來屬

中臨真縣漢高奴縣地元魏置臨真西魏又置仙水郡  
真川縣後周郡廢隋大業初省真川入臨真屬延安郡  
唐屬延州

中敷政縣本因城元魏置後周廢尋又置隋屬延安郡  
唐武德二年徙置金城更名金城貞觀八年屬延州天  
寶元年更名敷城

中下甘泉縣唐武德元年分洛交置伏鹿屬鄜州天寶  
元年改爲甘泉後屬延州

望同州周爲芮伯韓侯國春秋時屬秦晉戰國時屬秦

魏秦屬內史項羽分屬塞國漢高帝置河上郡景帝分  
爲左內史武帝改爲左馮翊東漢因之魏除左字但爲  
馮翊郡晉及元魏皆因之兼置華州西魏改曰同州取  
禹貢所謂漆沮旣從澧水攸同以名焉隋初郡廢大業  
州廢復置馮翊郡唐武德元年曰同州天寶元年曰馮  
翊郡梁曰忠武軍皇朝太平興國七年升定國軍今縣  
六

緊馮翊縣本芮國漢爲臨晉縣地屬左馮翊元魏華陰  
縣西魏改曰武鄉里及郡隋開皇初郡廢大業初改縣

興地廣記 卷三 古  
曰馮翊置郡唐爲同州有沙苑周文帝敗齊神武於此  
有洛水商原所謂商顏

緊澄城縣漢徵縣地屬左馮翊左傳所謂取北徵是也  
徵澄音相近東漢省之元魏置澄城縣及澄城郡隋開  
皇初郡廢屬馮翊郡唐屬同州

緊朝邑縣故荔戎國秦厲共公獲之更名臨晉以築高  
壘臨晉國故也漢屬馮翊東漢因之晉爲馮翊郡治焉  
元魏置南五泉縣西魏改曰朝邑隋屬馮翊郡唐屬同  
州臨晉縣故城在今縣西南

上郃陽縣古萃國其女太姒爲周文王后詩所謂在郃  
之陽是也漢爲郃陽縣屬左馮翊東漢晉隋皆因之唐  
屬同州夏陽鎮故梁國秦取之更名夏陽二漢屬左馮  
翊後省焉今入郃陽

中白水縣二漢衙縣地屬左馮翊故城在今縣東北後  
省焉元魏置白水縣隋屬馮翊唐屬同州春秋文二年  
晉侯及秦師戰於彭衙卽此亦漢栗邑縣地屬左馮翊  
東漢及晉皆因之後省焉

中韓城縣故韓國漢爲夏陽縣地屬左馮翊隋開皇十

八年置韓城縣屬馮翊郡唐屬同州有禹貢梁山詩韓奕篇奕奕梁山卽此有韓原魯僖公時秦伯伐晉戰於此有龍門山卽禹貢導河至於龍門也魚集其上卽爲龍

望華州本鄭國春秋時屬晉戰國屬秦魏秦屬內史漢屬京兆尹東漢屬京兆弘農郡晉因之元魏置華山郡及東雍州西魏改曰華州隋初郡廢大業初州廢屬京兆馮翊郡唐武德元年改曰華州垂拱二年避武氏諱改曰太州神龍元年復故名天寶元年曰華陰郡乾寧

四年升興德府梁爲感化軍後唐改爲鎮國軍皇朝皇祐五年改鎮潼軍今縣五

上鄭縣鄭桓公始封此至于武公東徙新鄭漢屬京兆尹後漢及晉皆因之元魏置華山郡及東雍州西魏改曰華州隋屬京兆郡唐屬華州郭子儀其邑人也有少華山

望下邳縣秦武公伐邳戎取其人來置此縣以有上邳故曰下邳漢屬京兆尹東漢屬弘農郡晉屬馮翊郡後置延壽郡隋開皇初郡廢屬馮翊唐垂拱元年來屬漢



蓮勺縣屬左馮翊東漢及晉皆因之隋大業初省入焉  
故城在今縣東北

望蒲城縣西魏置隋屬馮翊郡唐屬同州開元四年更  
名秦先屬京兆府天祐三年復屬同州皇朝開寶四年  
復爲蒲城天禧四年來屬有金粟山

繁華陰縣禹貢華陰之地戰國時陰晉屬魏秦得之惠  
文王五年更名寧秦漢高帝八年更名華陰屬京兆尹  
東漢及晉屬弘農郡元魏置華山郡隋屬京兆郡唐屬  
華州禹貢太華山在縣東水經注云河水南流潼激關

山因謂之潼關漢末曹公西征與韓遂馬超相持於此  
上渭南縣漢新豐縣地蓋符秦時置元魏置渭南郡後  
周郡廢隋屬京兆郡唐因之周顯德三年來屬

世潘曾起恭校

輿地廣記卷十四

宋 歐陽忞撰

陝西永興軍路下

繁耀州春秋戰國屬秦秦屬內史項氏分屬塞國漢初屬河上郡後屬左馮翊東漢及晉皆因之元魏置北雍州西魏改為宜州及置北地郡尋改為通川郡隋開皇初郡廢大業初州廢屬京兆郡義寧二年置宜君郡唐武德四年改曰宜州正觀十七年州廢天授二年復置宜州大定元年又廢天祐三年岐王李茂貞墨制置耀

州仍升義勝軍節度梁末帝時茂貞養子溫韜以州降  
梁梁改爲崇州靜勝軍後唐同光元年爲耀州以爲順  
義軍皇朝開寶五年爲感義軍太平興國元年改感德  
軍今縣七

上華原縣隋屬京兆郡唐因之垂拱二年改華原曰永  
安神龍元年復故名唐末李茂貞據馮翊僭行墨制  
乙建爲耀州以溫韜爲節度使唐諸陵在其境內者  
悉發掘之郭崇韜以爲劫陵賊有土門山

望富平縣本漢懷德地東漢省之元魏置富平縣及北

地郡後周改爲中華郡尋廢隋屬京兆郡唐因之後  
屬耀州有荆山

望三原縣漢池陽縣地屬左馮翊東漢因之晉爲扶風  
治後省焉符秦於嶽薛山北置三原護軍元魏罷護  
軍置三原縣後周置建忠郡尋廢隋屬京兆郡唐因  
之後屬耀州

上雲陽縣漢屬左馮翊秦有林光宮漢曰甘泉宮武帝  
立泰畤以祠太一東漢因之晉省焉後復置元魏屬  
北地郡後周置雲陽郡隋開皇初郡廢屬京兆郡唐

因之後屬耀州

上同官縣本漢葭州屬左馮翊東漢因之晉省焉符  
秦於葭州城東北銅官川置銅官護軍元魏罷護軍  
置銅官縣屬北地郡隋曰同官屬京兆郡唐因之梁  
開平三年屬同州後唐同光初屬耀州

中美原縣本頻陽縣秦屬公置在頻水之陽漢屬左馮  
翊東漢晉元魏皆因之景明元年析置土門縣隋大  
業初省入華原唐咸亨二年析富平華原蒲城於故  
土門縣置美原縣屬京兆郡天祐三年李茂貞置鼎

州梁改為裕州屬順義軍節度後不見其廢時唐同  
光三年割屬耀州

中淳化縣本雲陽之梨園鎮皇朝淳化四年置縣屬耀  
州

緊邠州古豳國春秋戰國皆屬秦秦屬內史漢屬右扶  
風安定北地郡漢末置新平郡兼屬安定晉因之西魏  
置豳州後周及隋皆因之煬帝初州廢屬安定北地郡  
義寧二年復置豳州唐開元十三年以字類豳改作邠  
焉天寶三載以為新平郡後升為靜難軍節度今縣四

望新平縣本二漢漆縣屬右扶風漢末置新平郡晉因  
之後改漆縣爲白土西魏置幽州隋開皇四年改縣  
爲新平大業初州廢義寧二年復置符堅墓在此  
望宜祿縣漢鶡觚縣地屬北地郡後魏置宜祿縣以宜  
祿川爲名後周省入鶡觚屬安定郡貞觀二年析新  
平保定靈臺復置屬幽州

上三水縣漢三水掬邑二縣地三水屬安定郡東漢因  
之晉省焉後復置西魏置恒州尋廢隋屬北池郡義  
寧二年屬幽州漢之掬邑卽故幽國周之先公劉所

居屬右扶風東漢因州鄧禹遣馮愔宗歆守掬邑二  
人爭權愔遂殺歆卽此晉省焉故城在今縣東北有  
萬壽湫唐大歷八年因風雷而成

下永壽縣唐武德二年分新平置神龍元年屬雍州唐  
隆元年來屬

上邠州春秋屬白翟秦屬上郡漢爲上郡及左馮翊東  
漢屬上郡魏武帝省焉晉陷於戎狄元魏置東秦州後  
改爲北華州西魏改爲敷州隋爲邠城郡尋改爲上郡  
唐爲邠州天寶元年爲洛交郡後升保大軍節度今縣

四

緊洛交縣本縣雕陰縣地屬上郡東漢因之魏晉廢焉  
 隋開皇三年置洛交縣大業三年置上郡唐置鄜州  
 三川鎮本漢翟道縣屬左馮翊東漢省之符秦於長  
 原城置長城縣元魏改為三川以華池水黑水洛水  
 所會為名隋屬上郡唐屬鄜州皇朝熙寧七年省入  
 洛交

上洛川縣本漢鄜縣地元魏置洛川縣隋屬上郡唐屬  
 鄜州

上鄜城縣昔秦文公夢黃蛇自天下屬地止於鄜衍史  
 敦曰此上帝之祥君其祠之於是作鄜時祭白帝焉  
 漢屬左馮翊東漢省之元魏置敷城縣隋大業初改  
 為鄜城屬上郡唐屬坊州唐末置翟州梁改為原州  
 改鄜城曰昭化後唐同光元年復改為鄜城屬鄜州  
 中下直羅縣本漢雕陰縣地唐武德三年分三川洛交  
 於直羅城置縣以城枕羅川水其川平直故

中解州自唐以上地理與河中府同漢乾祐元年割河  
 中之間喜安邑解三縣置解州皇朝因之今縣三

中解縣春秋時謂之解梁晉惠公囚秦返國詐賂秦以河外列城五內及解梁城是也漢屬河東後漢及晉皆因之元魏分置虞鄉縣後省解入焉唐武德元年改虞鄉曰解縣而於解西五十里別置虞鄉皆屬河中府漢乾祐元年置解州有鹽池左傳成六年晉人謀去故絳諸大夫皆曰必居郇瑕氏之地沃饒而近鹽是也

望聞喜縣本曲沃晉文侯封其弟成師謂之曲沃桓叔秦改爲左邑屬河東郡漢武帝元鼎六年將幸緱氏

至左邑桐鄉聞南越破以爲聞喜縣東漢及晉皆因之元魏置正平郡隋屬終郡唐屬絳州後屬河中府漢乾祐元年來屬

繁安邑縣夏禹所都春秋時魏絳自魏徙此武侯二年城安邑蓋增廣之耳秦昭王二十一年魏獻安邑以爲河東郡二漢及晉皆因之元魏曰北安邑屬河北郡隋開皇十六年置州大業初州廢屬河東郡唐屬河中府漢元祐元年來屬有鳴條陌湯與桀戰於鳴條卽此有鹽池

中府慶州周之先不畝所居春秋時爲義渠之戎秦滅之屬北地郡二漢因之魏晉以後荒廢西魏置朔州後周廢焉隋文帝置慶州煬帝初置弘化郡唐爲慶州天寶元年曰安化郡至德元載曰順化郡升定安軍節度後唐降之皇朝乾德二年復爲安化郡今縣二

中安化縣本漢郁郅縣地屬北地郡東漢省之後置弘化縣隋開皇十六年置弘州大業初州廢屬弘化郡唐爲慶州治焉天寶元年曰安化至德元載曰順化皇朝乾德二年復曰安化有不畝城同川縣本三泉

隋義寧二年析彭原郡之彭原置唐武德三年改名同川屬慶州皇朝乾德二年省入安化

望合水縣本合川唐武德元年置是年又析置蟠交縣貞觀元年省合川入弘化天寶元年更蟠交曰合水後廢焉皇朝熙寧四年復置華池鎮本西魏置尉州後周廢之隋仁壽初置華池縣屬弘化郡慶置慶州皇朝熙寧四年省入合水故樂蟠縣本漢略畔道屬北地郡後省焉隋義寧二年析合水置樂蟠縣略畔與樂蟠音相近故訛耳唐屬慶州皇朝熙寧四年省



入合水

繁彭原縣本漢彭陽縣屬安定郡漢因之元魏置西北地郡隋開皇初郡廢十八年改縣曰彭原屬北地郡唐武德元年置彭州正觀元年州廢屬寧州皇朝熙寧三年來屬

雄虢州春秋時爲虢之南境虢亡屬晉戰國時屬秦魏二國秦平天下爲三川郡漢屬弘農郡東漢及晉皆因之元魏西弘農郡後周廢之隋煬帝置弘農郡恭帝改爲鳳林郡唐初置鼎州因鼎湖爲名後爲虢州今縣三

中虢略縣左傳晉惠公許賂秦伯以河外列城五東盡虢略是也漢爲弘農縣地屬弘農郡東漢及晉皆因之隋大業中自湖城縣界與郡俱徙於弘農川卽今治也唐武德元年置鼎州貞觀八年廢自盧氏移虢州於此神龍初避孝敬皇帝諱改曰恒農開元十六年復故名皇朝建隆元年避廟諱改曰常農至道三年又改曰虢略三城鎮故玉城縣西魏廢之唐屬虢州皇朝熙寧四年省入虢略

中盧氏縣漢屬弘農郡東漢因之晉屬上洛郡元魏置

洛安郡西魏改為義川郡隋開皇初郡廢置虢州大業初州廢屬弘農郡義寧元年復置虢郡唐武德元年改為虢州貞觀八年州徙治弘農有禹貢熊耳山洛水所出

中朱陽縣元魏時置兼置朱陽郡後周郡廢隋屬弘農郡唐屬虢州

望商州契始封於此春秋時屬晉戰國時屬秦為內史地漢屬弘農郡東漢屬京兆尹晉初為京兆南部後置上雒郡元魏因之西魏置洛州後周改為商州隋初郡

廢大業初州廢復為上洛郡唐復為商州天寶元年曰上洛郡今縣五

中上洛縣本晉地竹書紀年晉烈公三年楚人伐我南鄙至於上洛是也漢屬弘農郡東漢屬京兆郡晉泰始二年置上洛郡隋開皇初郡廢大業初復置唐為商州商山在縣西南秦四皓所隱也州界有七盤十二繞其道隘險王莽命王緄曰繞雷之固南當荆楚蓋謂此地也有熊耳山

中下商洛縣古商邑契之所封秦以封衛鞅號曰商君

漢屬弘農郡東漢屬京兆尹晉屬上洛郡隋曰商洛亦屬焉唐屬商州縣東有少習左傳哀四年楚司馬使謂晉陰地之大夫曰晉楚有盟好惡同之不然將通於少習以聽命秦謂之武關漢高帝游酈改武關以入秦

中下洛南縣漢上雒縣地元魏置拒陽縣及拒陽郡隋開皇初郡廢改縣為洛南屬上洛郡唐屬商州

中下豐陽縣後周置隋屬上洛郡唐屬商州舊治吉川城麟德元年移治豐陽川

中下上津縣漢長利縣地屬漢中郡宋置北上洛郡梁改為南洛州西魏為上州隋大業初州廢屬上洛郡

唐屬商州

望寧州夏公劉之邑春秋時為義渠戎國地築城郭以自守而秦稍蠶食之戰國時戎王與秦昭王母宣太后亂有二子宣太后詐而殺戎王於甘泉遂起兵滅義渠始皇初屬北地郡漢屬北地上郡東漢屬北地安定郡晉國之後沒於戎狄元魏獻文置華州孝文改曰班州後為豳州西魏改為寧州後周分置趙興郡隋改寧州

曰幽尋廢州而改趙興爲北地郡唐復爲寧州天寶元年曰彭原郡今縣四

緊定安縣漢泥陽縣地屬北地郡後周置趙興郡隋開皇初郡廢大業初置北地郡唐爲寧州

緊定平縣漢泥陽縣地唐武德二年析定安置屬寧州唐末置衍州周顯德五年州廢屬鄜州後來屬

上襄樂縣漢襄洛縣也屬上郡元魏改洛爲樂置襄樂郡西魏置燕州後周並廢隋屬北地郡唐屬寧州泥陽鎮本泥陽縣二漢屬北地郡治元魏時復置後省

焉

下真寧縣漢陽州縣屬上郡東漢省之後復置西魏置顯州後周廢焉隋開皇中改楊州縣爲羅川屬北地郡唐屬寧州天寶元年獲五真人像二十七因改羅川縣爲真寧有橋山黃帝所葬

上坊州自隋以前地理與鄜州同後周天和中華皇帝爲敷州刺史於此地爲馬坊武德二年分鄜州置坊州因故馬坊爲名天寶元年曰中部郡今縣二

緊中部縣漢翟道縣地屬左馮翊後秦姚興置中部縣

元魏因之置中部郡隋避廟諱改曰內部開皇中郡廢屬上郡唐置坊州有杏城姚萇置在今縣西

中宜君縣漢殺窋縣地屬左馮翊元魏置宜君縣後置宜君郡隋開皇初郡廢屬京兆郡唐初屬宜州正觀

二十年屬雍州龍朔三年屬有玉華宮在今縣北唐貞觀二十年置

上丹州春秋時為百翟戰國時屬秦秦屬上郡二漢因之晉省沒於戎狄西魏置汾州及義川郡後改州為丹州隋開皇初郡廢大業初州廢屬延安郡義寧元年置

丹陽郡唐為丹州天寶元年曰咸寧郡今縣一

中宜川縣本義川西魏置義川郡後周改縣為丹陽隋

開皇初復為義川義寧元年置丹陽郡唐為丹州皇

朝太平興國元年改縣曰宜川故咸寧縣本永寧西

魏改為太平隋開皇中改為咸寧屬延安郡唐屬丹

州皇朝太平興國三年省焉汾川鎮本安平縣元魏

置後周改曰汾州隋屬延安郡唐屬延州皇朝熙寧

三年省入宜川雲巖鎮本雲巖縣唐武德元年析義

川置屬丹州皇朝熙寧七年省入宜川

下環州自元魏以上地理與靈州同後周置會州隋改曰環州以大河環曲爲名大業初州廢屬靈武郡唐武德二年復置會州貞觀六年更置環州九年州廢還屬靈州咸亨三年置安樂州以居土谷渾部落至德後沒吐番大中三年收復更名威州後廢焉晉天福四年復置威州割靈州之方渠寧州之馬嶺木波三鎮爲屬而治方渠周廣順二年改曰環州顯德四年廢爲通遠軍皇朝淳化五年復爲環州今縣一上通遠縣本方渠漢屬北地郡東漢省之隋開皇十九

年置鳴沙縣屬靈武郡唐置威州晉以方渠鎮復置威州周改爲環州復廢州爲通遠軍而改方渠爲通遠縣皇朝天聖四年復改爲通遠軍嶺鎮本馬嶺縣西漢爲北地郡治東漢徙治富平而省馬嶺焉

下府銀州春秋爲原缺戰國爲秦後屬上郡二漢屬西河郡魏晉荒廢元魏立開光郡後周立真鄉郡兼立銀州隋開皇初二郡皆廢大業初州廢入雕陰郡唐貞觀二年平梁師都立銀州天寶元年曰銀川郡唐末陷爲拓跋氏皇朝崇寧四年收復舊領縣四



原件短缺

輿地廣記 卷之四  
中儒林縣二漢固陰縣地屬西河郡符秦有驄馬城土  
俗呼驄馬爲乞銀因號乞銀谷後周於是立銀州隋  
開皇三年置儒林縣大業初州廢屬雕陰郡唐復立  
銀州東北有無定河郡圍水也圍與銀音同而漢志  
作圍陰顏師古注云圍本作圍縣在圍水之陰因以  
爲名王莽改爲方陰則是當時已誤爲圍字今有銀  
州銀水卽是舊名猶存但字變耳以此考之則九域  
圖所載乞銀之說未可據也

中下真鄉縣西魏置後周立真鄉郡隋開皇初郡廢後

中下城平縣西魏置隋屬雕陰郡唐屬綏州

中下大斌縣唐武德七年置治魏平取稽胡懷化文武

雜半以爲名貞觀二年移治今所

同下州保安軍自五代以上地理與延州同皇朝太平  
興國二年以延州永安鎮置保安軍統塞二

德靖寨天禧四年置建子城天聖元年改爲德清寨  
順寧寨慶歷四年置



臣潘曾起恭校

輿地廣記卷十五

宋 歐陽忞撰

陝西秦鳳路上

次府鳳翔府春秋以來為秦都始皇時屬內史漢初屬  
雍國後分為中地郡九年復屬內史建元六年分為右  
內史太初元年更名主爵都尉為右扶風東漢因之魏  
晉為扶風郡元魏為秦平郡兼置岐州西魏改郡為岐  
陽隋開皇初郡廢大業初州廢復置扶風郡唐復為岐  
州至德二載肅宗自順化幸扶風是年克復兩京置鳳

翔府號爲西京後罷京名今縣十

次亦天興縣故雍縣秦德公旣立卜居雍曰後子孫飲馬於河遂都雍至孝公乃徙焉二漢屬右扶風有五時以祠上帝說者以爲四面積高曰雍宜爲神明之隩故立羣祠云晉屬扶風郡元魏置秦平郡及岐州隋爲扶風郡唐爲岐州至德二年改雍曰鳳翔仍析置天興縣寶應元年省鳳翔入天興有橐泉宮秦孝公起有祈年宮秦惠公起有鳳臺秦穆公時有籥史者善吹籥能致白鳳穆公女弄玉好之公爲作鳳臺

以居之一旦乘鳳而去秦回中宮在縣西漢文帝十四年匈奴入蕭關回中宮候騎至雍卽此

次畿岐山縣漢雍縣地後周三龍縣隋開皇十六年改爲岐山屬扶風郡唐屬鳳翔府有禹貢岐山有五將山苻堅爲姚萇將吳忠所執於此

次畿扶風縣漢美陽縣地後周置燕州唐武德二年置津川縣貞觀八年更名扶風屬岐州岐陽鎮昔周太王去邠踰梁山邑於岐山之下卽此詩所謂居岐之陽也文王始亦治焉二漢爲美陽縣地屬右扶風晉

因之唐貞觀七年置岐州元和三年省入扶風

次畿盩厔縣漢武帝置屬右扶風山曲曰盩水曲曰厔因山水之曲以爲名東漢省之元魏復焉後周置周南郡及怕州尋並廢隋屬京兆郡唐因之天寶元年改爲宜壽至德二載復故名天復元年來屬有駱谷關司竹園

次畿郿縣二漢屬二扶風晉因之元魏改爲平陽縣西魏復曰郿城後周廢入周城隋開皇十八年改周城爲渭濱大業二年又改渭濱曰郿屬扶風郡唐屬岐

州有郿鳴漢末董卓所築號曰萬歲鳴斜水出縣西南衙嶺山北歷斜谷徑五丈原又北流入渭蜀諸葛亮帥師攻魏軍五丈原與司馬宣王對壘卽此

次畿寶雞縣故陳倉昔秦文公遊獵於陳倉北坂獲若石云其色如肝寶而祠之故曰陳寶其神來常以夜光輝若流星從東南來集於祠城形若雄雞其聲若雷野雞夜雉說者曰此寶夫人祠也歲星與葉君合葉神來時天爲之雷鳴雉爲雉漢屬右扶風東漢及晉皆因之元魏改曰宛川西魏復曰陳倉後周置顯

州尋州縣俱廢隋開皇十八年復置陳倉縣屬扶風郡唐屬岐州至德二載更名寶雞陳倉故城在今縣東魏爲重鎮明帝大定二年蜀諸葛亮圍魏將郝昭於此不克而退大散關在西南有渭水汧水

次畿號縣本周號

原

謂之西號秦武公十一年滅小號

是也漢屬右扶風東漢省之後復置元魏置武郿郡西魏改縣曰洛邑後周置翔州州尋廢隋開皇初郡廢大業初復改縣曰號屬扶風郡唐屬鳳翔府平陽鎮秦寧公二年徙居平陽是也漢爲郿縣地磻溪水

出南山茲谷北流注於渭卽呂氏春秋所謂太公釣茲泉者也其投竿蹠餌兩膝遺跡猶存

次畿麟遊縣隋義寧元年於仁壽宮置鳳棲郡及麟遊縣二年以仁壽宮中獲白麟更郡曰麟遊唐武德元年曰麟州貞觀元年州廢縣屬岐州改仁壽宮爲九成宮

次畿普潤縣二漢杜陽縣地隋大業初置屬扶風郡唐屬鳳翔府有杜水漆水岐水

次畿好時縣祭天之所曰時封禪書曰雍旁故有吳陽

武時皆廢無祠蓋黃帝時常用事雖晚周亦郊焉後以爲縣漢屬右扶風東漢省之元魏復置爲扶風郡治隋大業三年省入上宜唐武德二年析醴泉置好時屬雍州貞觀八年省上宜人岐陽二十一年省好時岐陽復置上宜更上宜曰好時乾寧二年屬乾州皇朝熙寧五年來屬

下府秦州周孝王封非子於此春秋戰國時屬秦秦平天下屬隴西郡漢武帝分置天水郡東漢建武中更名漢陽郡兼爲涼州刺史治焉魏爲重鎮晉屬天水洛陽

巴郡兼置秦州元魏因之又置漢陽郡隋開皇初郡廢大業初復置天水郡唐爲秦州升爲雄武軍節度今縣四

上成紀縣包義氏生於此漢屬天水郡東漢屬漢陽郡晉屬天水郡後廢焉後周復置隋屬天水郡唐屬秦州州本治上邽而成紀本治小抗川開元二十二年地震州自上邽徙治成紀之敬親川縣亦移入新城天寶元年州還治上邽寶應元年陷吐蕃大中三年復故地徙治成紀而上邽廢有禹貢朱圉山邽山渭



原件短缺

水瓦亭山

上天水縣漢上邽縣地屬隴西郡唐時陷吐蕃後收復置天水縣屬秦州唐末廢之後唐長興三年復置以赤砂鎮爲治所有龍馬泉

中隴城縣漢爲隴縣屬天水郡東漢屬漢陽郡隋開皇六年改曰隴城屬秦州唐因之漢略陽道故城在今縣西北阿陽縣故城亦在縣西北有大隴山瓦亭山街泉亭秦谷秦非子始封於此

中清水縣漢屬天水郡東漢省之晉復置屬略陽郡元秦爲陰密縣白起被遷於此漢首屬安定郡元魏屬平涼郡後省隋大業初以其地置靈臺縣二年省入鶉觚蓋取文王伐密而民始附之意故以靈臺名縣焉

上良原縣隋大業初置屬安定郡唐屬涇州

長武縣唐爲長城隸邠州宜祿皇朝咸平四年置保定縣來屬五年省爲寨大觀二年復置

上熙州春秋戰國皆爲西羌秦置隴西郡二漢晉因之惠帝分置狄道郡前涼張駿置武始郡元魏置臨洮郡

隋開皇初廢武始郡屬蘭州唐因之天寶三載分置臨  
州後陷吐蕃號武勝軍皇朝熙寧五年收復置熙州臨  
洮郡升鎮洮軍節度今縣一

中下狄道縣秦漢爲隴西郡晉爲狄道縣張駿置武始  
郡元魏置臨洮郡及龍城縣唐置臨州皇朝置熙州  
有白石山在東清源堡漢首陽縣地屬隴西郡東漢  
及晉皆因之元魏改首陽曰渭源隋屬隴西郡唐上  
元二年復改曰首陽而於渭源故城別置渭源縣屬  
渭州儀鳳三年省首陽入渭源沒蕃後廢皇朝熙寧

五年置渭源堡屬熙州有禹貢鳥鼠同穴山渭水所  
出今謂之青雀山

上隴州春秋戰國屬秦秦屬內史二漢屬右扶風晉屬  
扶風郡四魏置隴東郡兼置東秦州後改爲隴州隋開  
皇三年郡廢大業三年州廢屬扶風郡唐復爲隴州天  
寶元年曰汧陽郡今縣四

望汧源縣本汧縣漢屬右扶風後漢及晉皆因之西魏  
曰汧陰縣後改曰杜陽後周復曰汧陰隋改曰汧源  
屬扶風郡唐爲隴州治焉有禹貢岍山汧水所出有



龍山弦蒲藪

緊汧陽縣二漢隃麋縣地屬右扶風晉省之元魏置汧陽縣及汧陽郡後周郡廢隋屬扶風郡唐屬隴州有隃麋澤

中吳山縣漢汧縣地元魏孝文置長蛇縣隋開皇末省入南田唐武德元年復置屬隴州貞觀元年更名吳山有吳嶽故南田縣元魏置屬武都郡隋屬扶風郡唐元和三年省

中隴安縣皇朝開寶元年析汧陽置有秦領山

中下成州秦以前爲白馬氏漢屬武都郡東漢及晉皆爲郡治焉後爲楊茂搜所據楊氏數世皆封仇池公元魏置南秦州西魏改爲成州隋開皇初郡廢大業初州廢置漢陽郡唐復爲成州天寶元年更名同谷郡今縣二

中同谷縣本漢下辨道屬武都郡東漢及晉皆爲郡治焉元魏屬修武郡後爲白石縣置廣業郡西魏改縣曰同谷後周兼置康州隋開皇初郡廢大業初州廢屬河池郡唐武德元年以縣置西康州貞觀六年州

廢屬成州州初治上祿本漢縣屬武都郡東漢因之  
晉省焉後置仇池縣曰上祿唐改郡曰成州寶應元  
年沒吐蕃後廢咸通十三年復置徙治同谷有仇池  
山其上方百頃四面壁立峭絕險固自然有樓櫓却  
敵之狀高七里餘蟠道三十六回上有豐水泉煮土  
成鹽漢末爲氏楊茂搜所據

中粟亭縣元魏蘭倉縣地置漢陽郡後唐清泰三年置  
粟亭縣屬成州有雷牛山粟亭山

下鳳州春秋時爲氏羌所居秦屬隴西郡二漢屬武都

郡晉因之惠帝時沒於氏楊茂搜元魏置道郡兼置南  
岐州西魏改郡曰歸真後周郡廢改州曰鳳州隋大業  
初州廢置河池郡唐爲鳳州天寶元年曰河池郡今縣  
三

上梁泉縣本故道秦文公時伐南山大梓化爲牛入水  
秦爲立怒時祠於故道卽此漢王引兵從故道襲雍  
後屬武都郡東漢及晉因之元魏置固道郡及梁泉  
縣隋置河池郡唐爲鳳州

繁河池縣漢屬武都郡東漢及晉因之後廢焉元魏置

廣化縣及廣化郡隋開皇初郡廢仁壽初改縣曰河池屬河池郡唐屬鳳州皇朝徙治固鎮

上兩當縣本漢故道縣地元魏置兩當縣及兩當郡隋開皇初郡廢屬河池郡唐屬鳳州皇朝徙治廣鄉鎮廣鄉卽水經所謂廣香川也有兩當水出陳倉縣之大散關西南流入故道

下岷州秦屬隴西郡二漢及晉因之西魏置岷州及同和郡隋開皇初郡廢大業初州廢屬臨洮郡唐復爲岷州天寶元年曰和政郡後陷吐蕃皇朝熙寧六年收復

今縣三

祐川縣本臨洮縣地二漢晉屬隴西郡西魏置溢樂縣及同和郡隋改溢樂爲臨洮唐武德元年復爲溢樂置岷州及置基城縣先天元年改基城爲祐川沒蕃後並廢皇朝崇寧四年復置祐川

中大潭縣漢冀縣地屬天水郡皇朝建隆三年以良恭大潭二鎮置大潭縣屬秦州熙寧六年來屬有禹貢朱圉山

繁長道縣本漢上祿縣地屬武都郡元魏分置長道縣

隋屬漢陽郡唐屬成州天寶末廢咸通十三年復置屬秦州皇朝熙寧六年來屬有祁山蜀諸葛亮率諸軍攻祁山南安天水安定郡叛魏應亮卽此

臣潘曾起恭校

輿地廣記卷十六

宋 歐陽忞 撰

陝西秦鳳路下

下府渭州秦屬北地郡二漢屬安定郡晉因之元魏屬太平郡隋初屬原州後屬平涼郡唐屬原州寶應元年渭州沒吐蕃元和四年以原州之平涼縣置行渭州廣明元年爲吐蕃所破中和四年復置後曰隴西郡今縣五

中平涼縣漢朝那涇陽二縣地屬安定郡後周置平涼

縣屬原州隋屬平涼郡唐屬原州元和四年置行渭州今因之有笄頭山禹貢涇水所出西有隴山有六盤關西北五里有吐蕃會盟壇唐貞觀五年築

中潘原縣本陰槃二漢屬安定郡晉省之後復置元魏置平涼郡隋開皇初郡廢屬安定郡唐屬涇州天寶元年改爲潘原縣周顯德六年來屬

中安化縣故屬儀州皇朝熙寧五年州廢來屬

中崇信縣皇朝乾德元年以舊崇信軍地置崇信縣屬鳳翔府淳化中屬儀州熙寧五年州廢來屬

中下華亭縣隋大業初置屬安定郡唐元和三年省入

汧源後復置兼置儀州皇朝熙寧五年州廢來屬

鞏原州自唐已上地理與涇州同廣德元年原州沒吐蕃置行原州於靈臺之百里城貞元十九年徙治平涼元和三年又徙治臨涇大中三年收復關隴歸治平高廣明後沒吐蕃又僑治臨涇元屬涇州後唐清泰三年割屬原州後曰平涼郡今縣二

中臨涇縣漢屬安定郡東漢及晉爲郡治焉元魏亦屬安定後廢之隋大業初置湫谷縣尋改曰臨涇屬安

定郡唐屬涇州後爲原州治所有漢朝那縣故城

中彭陽縣二漢屬安定郡晉省之後復置元魏置西北

地郡隋改縣爲彭原唐武德二年析彭原置豐義縣

屬寧州皇朝太平興國元年改曰彭陽至道三年來

屬

中下階州古爲白馬氏國西戎之別種也漢武帝開之

置武都郡東漢晉因之後沒於氐楊茂搜元魏置武街

郡西魏置武州隋開皇初郡廢大業初州廢置武都郡

唐武德元年置武州天寶元年曰武都郡因沒吐蕃廢

大歷二年復置爲行州咸通中始得故地龍紀初遣使

招葺之景福元年更名階州今縣一

中下福津縣漢武都縣地元魏置翫當縣及武街郡西

魏又於今縣東北三十里萬郡故城置覆津縣後周

省翫當入覆津隋開皇初武階郡廢屬武州唐因之

景福元年改覆津曰福津後爲州治故盤隄縣本西

魏置南五部縣後改名隋屬武都郡唐屬武州沒蕃

後不復置

中下將利縣故白馬氏國漢爲武都縣爲郡治焉天池

大澤在其西東漢及晉皆因之元魏改武都縣曰石門西魏改曰安育道武州後周改安育曰將利仍置武都郡隋開皇初郡廢大業初復置唐爲武州治後徙福津

上河州古西羌地秦屬隴西郡漢屬金城隴西二郡東漢屬隴西郡漢末宋建自稱河首平漢王據此曹公遣夏侯淵討平之晉惠帝時置晉興郡前秦苻堅置河州西秦乞伏乾歸又據於此元魏亦置河州後周置枹罕郡唐武德二年平李軌置河州天寶元年曰安昌郡領

縣三

中下枹罕縣本罕羌侯邑漢爲枹罕縣屬金城郡東漢因之晉屬晉興郡苻秦置河州元魏因之後周置枹罕郡隋因之唐爲河州

中下大夏縣漢屬隴西郡東漢因之晉屬晉興郡前涼張駿置大夏郡隋屬枹罕郡唐屬河州貞觀元年省入枹罕五年復置

中下鳳林城本白石縣漢屬金城郡東漢屬隴西郡張駿改白石爲永固屬晉興郡唐貞觀七年於縣置烏

州十一年州廢置安昌縣來屬天寶元年更名鳳林  
廣德元年州沒吐蕃皇朝熙寧六年收復置枹罕縣  
七年省之今日安鄉郡縣一

寧河縣本寧河寨皇朝崇寧四年升爲縣

下隴州古西羌地秦屬隴西郡漢屬金城隴西二郡東  
漢魏晉因之前涼張寔分置廣武郡張駿又分置武始  
郡後爲西秦乞伏國仁南涼秃髮烏孫所分據元魏後  
周屬武始郡隋開皇初郡廢置蘭州大業初州廢復置  
金城郡唐武德二年平薛舉置蘭州以臯蘭山爲名天

寶元年曰金城郡領縣二

下五泉縣本金城縣漢屬金城郡爲干羌所據東漢及  
晉因之有故范川城西秦乞伏國仁據此後曰子城  
縣置金城郡隋開皇初郡廢置蘭州大業初州廢置  
金城郡復改縣曰金城後改曰五泉唐咸亨二年復  
曰金城天寶元年復曰五泉

下金城縣本漢允吾縣爲金城郡治所張駿置廣武郡  
南涼秃髮烏孤據此隋廢郡爲廣武縣唐屬蘭州乾  
元二年更名金城漢浩亶允吾二縣故城在西南廣



德元年州陷吐蕃皇朝元豐四年收復今縣一

蘭泉縣

鞏州古雍州地春秋時屬羌戎秦屬隴西郡二漢因之  
靈帝分立南安郡晉屬隴西南安二郡元魏爲隴西南  
安安陽三郡兼置渭州後周併爲南安郡隋開皇初郡  
廢大業初州廢復置隴西郡唐武德元年置渭州天寶  
元年曰隴西郡寶應元年沒吐蕃後廢皇朝皇祐四年  
以渭州地置古渭寨熙寧五年改通遠軍崇寧三年改  
爲鞏州今縣三

隴西縣本襄武縣地二漢屬隴西郡晉爲郡治焉元魏  
置渭州隋爲隴西郡唐渭州沒吐蕃廢皇朝爲通遠  
軍元祐五年於郭下置隴西縣隋舊有隴西縣本獮  
道縣漢屬天水郡在襄武之東靈帝置南安郡晉因  
之又置中陶縣後省獮道入中陶隋開皇初南安郡  
廢改中陶爲內陶又改爲武陽十年又改爲隴西唐  
因之沒蕃後廢

永寧縣本永寧寨皇朝升爲縣

寧遠縣本寧遠寨皇朝崇寧四年升爲縣

會州古爲西羌秦屬隴西郡漢屬金城安定二郡地後漢屬金城武威二郡西魏置會州後周廢之隋屬平涼郡唐武德二年平李軌置會州天寶元年曰會寧郡領縣二

上會寧縣本漢枝陽縣地屬金城郡晉張寔分屬廣武郡西魏置會州後周廢之隋開皇十六年置會寧縣屬平涼郡唐置會州

上烏蘭縣本漢祖厲縣地屬安定郡東漢屬武威郡晉省之後周置烏蘭關唐武德九年置縣後州沒吐蕃

皇朝收復今縣一

敷川縣

西安州秦漢屬北地郡唐屬靈州皇朝置西安州

西寧州古西羌所居漢武帝西逐諸羌乃渡河湟築令居塞昭帝時屬金城郡東漢末置西平郡晉因之永嘉後禿髮烏孤初稱西平王其地利鹿孤復都西平卽此地也後魏置鄯州後周置樂都郡隋開皇初郡廢大業初州廢置西平郡唐武德二年平薛舉置鄯州天寶元年曰西平郡領縣三

中湟水縣二漢破羌縣地屬金城郡建安中改爲西平郡晉因之元魏置鄯州後周置樂都郡隋開皇十八年改西都曰湟水大業初爲西平郡唐爲鄯州破羌縣故城在縣西

中龍支縣漢允吾縣地東漢爲龍耆縣元魏改曰北金城西魏改曰龍支隋屬枹罕郡唐屬鄯州

中鄯城縣唐儀鳳三年置屬鄯州漢西平郡故城在西有土樓山上元二年州沒於吐蕃皇朝收復改爲西寧州隴右節度加號寶德軍

湟州古雍州地漢晉後屬西平郡唐屬鄯州皇朝置湟州有湟水東入河

廓州古西羌地東漢延嘉中護羌校尉段熲追燒河大豪至河首積石山出塞二千餘里卽此地也漢末屬西平郡前涼置湟河郡元魏屬鄯州後周武帝逐吐谷渾置廓州及洮河郡隋開皇初州郡並廢大業初置燒河郡唐武德二年置廓州天寶元年曰寧塞郡領縣三

不廣成縣本燒當羌地元魏置廣威縣隋仁壽初改爲化隆縣屬西平郡唐置廓州先天元年改化隆曰化

成天寶元年曰廣威

下達化縣後周置達化郡并縣隋開皇初郡廢屬澆河郡有故澆河城晉時吐谷渾主阿豺所築在縣西一百二十里

下米川縣漢枹罕縣地屬金城郡唐貞觀五年置米州及米川縣十年州廢屬河州永徽六年來屬廣德元年州沒吐蕃皇朝收復

下洮州古為諸羌之地後為吐谷渾所據至後周武帝逐吐谷渾置洮陽郡兼置洮州隋開皇初郡廢大業初

州廢置臨洮郡唐武德二年置洮州天寶元年曰臨洮郡領縣一

中臨潭縣本吐谷渾地後周置美相縣唐貞觀四年徙治洪和城以故地置旭州五年又置臨潭縣八年州廢以臨潭屬洮州徙州來治復遷於洮陽城仍於舊洪和城置美相縣天寶中省美相併入有禹貢西傾山後名西強山吐谷渾主阿豺嘗升西強山觀墊江源問於羣僚曰此水東流更有何名由何郡國入何水也其長史曾和曰此水經仇池過晉壽出岩渠始

號墊江至巴郡入江度廣陵會於海阿豺曰水尚知歸吾雖塞表小國而獨無所歸乎遣使通宋獻其方物宋少帝封爲澆河公西傾之北則洮水所出北流入河寶應元年州陷吐蕃皇朝收復

同下州鎮戎軍秦屬北地郡東漢因之晉屬新平郡元魏太武置高平鎮後爲高平郡兼置原州隋初郡廢大業初州廢置平涼郡唐武德元年曰原州天寶元年曰平涼郡廣德元年沒吐蕃後廢皇朝至道元年以故平高縣地置鎮戎軍

高平寨慶歷二年置本漢高平縣爲安定郡治焉東漢屬安定郡光武自征隗囂河西太守竇融率五郡太守與車駕會高平是也晉省之元魏置高平鎮後改爲平高縣置原州隋爲平涼郡唐爲原州同下州德順軍自五代以前地理與渭州同皇朝慶歷三年以渭州隴干城置德順軍今縣一隴干縣皇朝元祐八年置

同下州懷德軍本平夏城皇朝大觀二年升爲懷德軍以蕭關等寨隸之與西安鎮戎互爲聲援應接蕭關爲

邊面之壯焉蓋唐之武州蕭關縣地也

同下州積石軍本漢之金城郡河關縣地唐置軍隸隴右節度府後沒吐蕃皇朝復置有積石山禹導河自此始河水出崑崙自古言者皆夫其實禹本紀山海經水經固以迂怪誕妄而班固所載張騫窮河源事亦爲臆說騫使大夏見葱嶺于闐二河合流注蒲昌海其水亭居皆以爲潛行地中南出於積石爲中國河此乃意度之非實見蒲昌海與積石河通流也漢武帝以于闐山出玉按古圖書因名河所出曰崑崙至唐之時吐蕃爲

大國居積石西唐之聘使往來非一始見黃河在吐蕃中西南數千里向東北流與積石河相連而吐蕃又言崑崙在其國內長慶中劉元鼎爲盟會使言河之上流由洪濟果西南行二千里水益狹冬春可涉夏秋乃勝舟其南三百里三山中高而四下曰紫山直大羊同國古所謂崑崙者也虜曰渴摩黎山東距長安五千里河源其間流澄緩下稍合衆流色赤行益遠它水并注則濁河源東北直莫賀延積尾隱測其地蓋劔南之西元鼎所經見大略如此

西州縣西盡波斯國皆隸安西而徙府治高昌故地  
 三年又徙治龜茲都督府而故府復為西州咸亨元年  
 吐蕃陷都護府長壽二年收復安西四鎮至德元載更  
 名鎮西後復為安西吐蕃既侵河隴唯李元忠守北庭

世 潘曾起恭校

輿地廣記卷十七

宋 歐陽 忞

撰

陝西路化外州

安西大都護府漢為龜茲國唐立安西府初治西州顯  
 慶二年平賀魯析其地立濛池崑陵二都護府分種落  
 列置州縣西盡波斯國皆隸安西而徙府治高昌故地  
 三年又徙治龜茲都督府而故府復為西州咸亨元年  
 吐蕃陷都護府長壽二年收復安西四鎮至德元載更  
 名鎮西後復為安西吐蕃既侵河隴唯李元忠守北庭

郭昕守安西與沙陀回紇相依攻之久不下建中二年元忠昕遣使間道入奉詔各為大都護並為節度正元三年吐蕃攻沙陀回紇北庭安西無援遂陷領四鎮龜茲都督府都護府所治本龜茲國

毗沙都督府本于闐國

疎勒都督府本疎勒國

焉耆都督府本焉耆國

北庭大都護府在流沙之西北漢為烏孫故地東漢為車師後王庭歷代為胡虜所居唐貞觀中討高昌于時

突厥屯兵於可汗浮圖城與高昌相影響及高昌既平懼而來降乃以其地立庭州長安二年改曰北庭都護府建中二年曰大都護正元三年陷吐蕃領縣四

下金滿縣

下輪臺縣唐大歷六年置

下後庭縣本蒲類隸西州後來屬寶應元年更名其三

縣正貞觀十四年置

下西海縣寶應元年置

大都督府靈州古為戎狄地秦屬北地郡二漢魏晉皆



因之元魏太武帝平赫連昌置薄骨律鎮河渚上舊是赫連果地至明帝立靈州初治河北後徙治東園所築城後周立普樂郡隋開皇三年郡廢大業初州廢立靈武郡唐武德元年改曰靈州天寶元年曰靈武郡升爲朔方軍節度領縣四

望回樂縣本二漢富平縣地屬北地郡晉及元魏因之後省焉故城在縣西南元魏置回樂縣及立靈州後周立普樂郡西魏立臨河郡隋開皇元年改臨河郡曰新昌三年州郡並廢大業初立靈武郡唐武德元

年曰靈州四年析置豐安縣貞觀四年於回樂境內立回州以豐安隸焉十三年州廢省豐安天寶末明皇西狩太子卽位於靈武是爲肅宗

上靈武縣漢屬北地郡東漢省之後周置曰建安又立歷城郡隋開皇三年郡廢屬靈州十八年改建安爲廣潤仁壽元年改今名唐因之

緊懷遠縣漢富平縣地後周置及立懷遠郡隋開皇三年郡廢屬靈州唐立豐州武德六年廢省九原永豐二縣入懷遠

上保靜縣本宏靜隋開皇十一年置唐神龍元年曰安靜至德元載更名有賀蘭山

中都督夏州古爲戎狄秦屬上郡後爲匈奴所有漢武帝伐胡取河南地立朔方郡東漢因之後復沒於戎狄晉末赫連勃勃建都於此國號大夏子昌爲元魏太武所滅以其地立夏州西魏立宏化郡隋開皇初郡廢大業初州廢立朔方郡唐貞觀二年平梁師都改爲夏州天寶元年曰朔方郡後升靜難軍節度領縣三

上朔方縣二漢屬朔方郡後廢晉末赫連勃勃於黑水之南榮都號爲統萬烝土以築城鐵錐刺入一寸卽殺作人不及一寸行錐者死元魏立夏州及置巖綠縣西魏立宏化郡隋曰夏州復曰朔方郡後爲梁師都所據唐克之改爲夏州貞觀三年改巖綠爲朔方縣唐末拓跋思恭爲靜難軍節度使其後世擅立相承至今爲梗

中下德靜縣隋末置唐貞觀七年隸北開州八年曰化州十三年州廢來屬中下寧朔縣後周置隸宏化郡隋屬朔方郡唐武德六

年立南夏州貞觀二年州廢縣省入朔方五年復置  
 來屬長安二年省開元四年又置九年省其後又置  
 中都督涼州古為戎狄秦時屬匈奴使休屠王居其地  
 漢武帝太初四年開立武威郡東漢魏晉因之兼立涼  
 州前涼張軌後涼呂光皆據此涼且渠蒙遜亦自張掖  
 徙居焉元魏後周亦曰武威郡隋開皇初郡廢大業初  
 州廢立武威郡唐武德二年平李軌立涼州天寶年曰  
 武威郡履為河西節度領縣五

中下姑臧縣本匈奴蓋藏城後人語訛遂曰姑臧二漢

魏晉皆為武威郡治兼為涼州刺史治焉前涼後涼  
 北涼皆據此元魏後周亦為武威郡隋唐為涼州或  
 為武威郡漢鶡陰縣隸安定郡東漢來屬後省故城  
 在今縣東南漢顯美縣屬張掖郡東漢來屬晉以後  
 因之後周省入姑臧府禹貢豬野澤古休屠城蓋并  
 得漢武威休屠二縣地

下神烏縣本漢鸞烏縣屬武威郡後省唐總章元年於  
 漢縣故城復置神龍元年更名

中昌松縣本漢蒼松屬武威郡魏晉因之後涼昌光改

爲昌松元魏立昌松郡後周郡廢隋開皇初改縣爲永世後復曰昌松唐因之漢允街縣神爵二年置屬金城郡東漢魏晉因之後省故城在今縣東南漢摺次縣屬武威郡東漢以後因之元魏屬昌松郡後周省入昌松

中下大寶縣本蕃和二漢屬張掖郡晉屬武威郡元魏立蕃和郡後周郡廢爲鎮隋開皇中爲縣併障燕支二縣入焉唐咸亨元年立雄州調露元年州廢來屬天寶三載以山出醴泉更名有焉支山

中嘉麟縣本鸞鳥二漢屬武威郡後省唐武德三年復置神烏縣貞觀元年省神龍元年改武威縣爲神烏而於鸞鳥故城置嘉麟縣景龍元年省先天二年復置

中都督府沙州昔舜竄三苗于三危卽此其後世爲戎狄地出美瓜長者狐入其中食之首尾不出左傳所謂元姓之戎居于瓜州是也戰國及秦月氏有其地漢時入匈奴武帝開之屬酒泉郡後分立燉煌郡東漢魏晉因之西涼李暠初據此元魏亦曰燉煌郡兼立瓜州後

周因之隋開皇初郡廢大業初州廢復爲燉煌郡唐武德二年曰瓜州五年改爲西沙州貞觀七年曰沙州天寶元年曰燉煌郡自祿山之河右沒於吐蕃大中後吐蕃微弱首領張義潮以瓜沙十一州來歸而宣懿德微不暇疆理名存有司而已後唐莊宗時升爲歸義軍節度領縣二

下燉煌縣二漢爲郡治晉亦屬焉北魏立瓜州後周改縣爲鳴沙隋大業初復爲燉煌唐立沙州漢效穀縣屬燉煌郡晉因之元魏立效穀郡後周郡縣皆廢入

焉禹貢三危山在東南有三峯有神沙山冬夏有聲如雷渥洼水漢元鼎中七人得奇馬以獻武帝欲異之乃云從渥洼水中出於是作天馬之歌

下壽昌縣本龍勒二漢屬燉煌郡晉因之元魏立壽昌郡後周郡縣皆廢入燉煌唐武德二年析燉煌置壽昌永徽元年省乾封二年復置開元二十六年又省後復置治漢龍勒縣故城陽關在縣西六里玉門關在西北一百十八里二關之西三百餘里有蒲昌海一名鹽澤廣袤三四百里則葱嶺于闐兩河之所注

也

下都督瓜州古西戎地戰國時月氏有之後入匈奴漢屬燉煌郡東漢魏晉皆因之元康五年立晉昌郡後廢元魏後周爲前樂郡隋開皇初郡廢屬瓜州唐武德五年改瓜州爲西沙州而析晉昌別立瓜州天寶元年曰晉昌郡領縣二

中下晉昌縣本冥安二漢晉屬燉煌郡惠帝分屬晉昌郡北流李暉改爲涼興郡元魏改爲當樂郡後周省冥安別置涼興郡隋開皇初郡廢屬瓜州改涼興爲

常樂縣唐武德四年更名晉昌五年別立瓜州於此中下常樂郡本府至二漢屬燉煌郡魏分置宜禾縣晉立晉昌郡李暉改晉昌郡曰涼興元魏改郡曰常樂後尙廢縣別置於冥安故城焉旣而改常樂縣爲晉昌武德元年別置常樂於此

下都督鹽州春秋戎狄之地秦屬北地郡二漢因之魏晉荒廢元魏立大興郡西魏改爲五原郡兼立西安州後改州曰鹽州又改郡爲大興郡隋開皇初郡廢大業初州廢立鹽州郡唐武德二年平梁師都立鹽州天寶

元年曰五原郡貞觀三年沒吐蕃九年復城之領縣一  
上五原縣漢馬領縣地屬北地郡後置五原縣元魏立  
大興郡西魏立鹽州隋曰鹽州郡唐曰鹽州府烏池  
白池細項池四瓦窑池鹽  
上白池縣本興寧隋末置景龍三年更名

中府勝州本春秋戎狄之地戰國屬趙秦屬雲中九原  
二郡二漢屬雲中五原二郡魏晉後荒廢隋開皇二十  
年立勝州大業初州廢立榆林郡唐武德中平梁師都  
立勝州天寶元年曰榆林郡領縣二

中下榆林縣本漢雲中之沙南五原之五原地南界有  
榆溪塞卽蒙恬爲秦侵胡闢地數千里累石爲城植  
榆爲塞是也隋開皇七年置榆林縣二十年立勝州  
大業初立榆林郡唐因之漢五原縣故城在今縣西  
有隋故榆林宮東有榆林關

中下河濱縣亦漢治南縣地唐貞觀三年置以東臨河  
岸故名及立雲州四年曰威州八年州廢來屬東北  
有河濱關

下都督西州漢爲車師前王國元帝置戊巳校尉屯田

車師故地地形高敞因名高昌壘前涼張駿立高昌郡  
元魏和平元年爲蠕蠕所并以闕伯周爲高昌王高昌  
稱王自此始孝父時金城麴嘉稱王於此傳數世至唐  
貞觀十四年討平之以其地立西州開元中曰金山都  
督府天寶元年曰袞河郡領縣五

下前庭縣本漢高昌壘壘有八城本中國人也張駿立  
高昌郡呂光旦渠蒙遜皆因之後闕伯周始建國至  
麴又泰爲唐所滅立西州及置高昌縣寶應元年改  
爲前庭取車師前王庭以名之

下柳中縣取漢舊地爲名

中下交河縣漢車師前王國治交河城河水分流繞城  
下故號交河唐取以名縣

中蒲昌縣唐以始昌故城置本隸庭州後來屬東南有  
蒲類海胡人呼爲婆悉海

下天山縣其五縣皆唐貞觀十四年與州同置

下伊州在燉煌北大磧之外爲戎狄之地非九州之限  
東漢明帝時伐匈奴始取伊吾盧地置宜禾都尉以屯  
田竇憲班超初築城於此班勇爲西城長史乃居焉爾



後多爲屯田兵鎮之所未爲郡縣元魏始立伊吾郡後又爲鄯善所據唐貞觀四年西城雜胡內附乃立西伊州六年曰伊州天寶元年曰伊吾郡領縣三五代時曰胡盧磧爲仲雲之族牙帳仲雲小月氏之遺種也

下伊吾縣本匈奴地曰伊吾盧在燉煌之北大磧之外南去玉門關八百里東去陽關二千七百三十里東漢以後爲屯田兵鎮之所晉置伊吾縣屬燉煌郡元魏立伊吾郡後廢唐立伊州復置縣有天山胡人呼爲折盧漫山每過之皆下馬拜一名雪山

下納職縣唐貞觀四年以鄯善所築故城置開元六年省十五年復置

下柔遠縣唐貞觀四年置取縣東柔遠故城以名之

下甘州春秋戰國爲戎狄秦及漢初爲匈奴所有使昆耶王居之武帝太初元年昆耶王來降以其地立張掖郡東漢魏晉皆因之北凉且渠蒙遜姑都於此元魏置張掖郡西魏置西涼州尋改曰甘州因州東甘峻山爲名後周因之隋開皇初郡廢大業初州廢復爲張掖郡唐武德二年平李軌立甘州天寶年曰張掖郡領縣二

五代時爲回鶻牙帳

上張掖縣晉舊縣本匈奴昆耶王地漢立張掖郡治槃  
得縣東漢因之晉改曰永平縣西魏立甘州隋廢郡  
大業初改永平爲張掖縣唐因之漢昭武縣屬張掖  
郡晉改曰臨澤故城在縣西北漢張掖縣屬武威郡  
東漢因之後省故城亦在縣西北漢居延縣屬張掖  
郡都尉治東漢興平二年立西海郡魏晉因之後廢故  
城在今縣東北故臨松郡前涼張天錫置元魏因之  
後廢爲縣後周省入有遮虜障漢將軍路博德所築

有神連山臨松山甘峻山合黎山居延澤禹貢所謂  
導弱水至于台黎餘波入于流沙居延澤卽古流沙  
也

中下刪丹縣漢屬張掖郡東漢因之後分屬西郡晉因  
之元魏改縣曰山丹隋大業初復改曰刪丹屬張掖  
郡唐屬甘州漢曰勒縣屬張掖郡東漢因之後分立  
西郡魏晉元魏因之改縣曰永寧西魏郡廢又改縣  
曰弱水後周省入山丹故城在縣東南有焉支山匈  
奴初失祁連焉支二山惜之歌曰奪我祁連山使我

六畜不繁息失我焉支山使我婦女无顏色  
下肅州古月氏地後入匈奴漢太初元年開立酒泉郡  
東漢魏晉因之西涼李暠自燉煌徙居於此元魏後周  
亦爲酒泉郡隋開皇初郡廢仁壽中立肅州大業初廢  
州入張掖郡唐武德二年分立肅州天寶元年曰酒泉  
郡領縣三

中下酒泉縣本福祿漢立酒泉郡城下有金泉味如酒  
因以名焉東漢以後皆因之元魏置酒泉軍後復爲  
郡隋郡廢立肅州州廢屬張掖郡義寧元年改福祿

爲酒泉唐立肅州西南有崑崙山周穆王見西王母  
於此漢平帝時金城塞外羌獻魚鹽之地遂得西王  
母石室以爲西海郡後爲吐谷渾所都隋大業三年  
討之復立西海郡

下福祿縣本漢樂涇縣屬酒泉郡東漢晉因之後省唐  
旣改福祿縣爲酒泉武德二年於樂涇故城復置  
中下玉門縣漢屬酒泉郡時罷玉門關屯徙其人於此  
因以名縣東漢魏晉因之元魏立會稽郡併新鄉延  
興入會稽縣隋開皇中改縣爲玉門屬瓜州唐武德

二年來屬貞觀元年省後置開元中沒吐蕃因置玉  
門軍天寶十四年廢軍爲縣北有獨登山出鹽以充  
貢有神雨山

下疊州歷代爲諸羌所據晉屬汶山郡宋齊因之後爲  
西魏後周所有武帝立西疆恒香二郡兼立疊州隋開  
皇初二郡並廢大業初州廢入臨洮同昌二郡唐武德  
二年復立疊州天寶元年曰合川郡領縣三

下合川縣後周置及立西疆郡隋郡廢屬臨洮郡唐立  
疊州故疊川縣後周置及立疊州隋廢州屬臨洮郡

唐武德二年來屬貞觀二年省入焉有白嶺山

下常芬縣後周置及立恒香郡隋郡廢屬同昌郡唐武  
德元年立芬州高宗上元二年陷吐蕃神龍元年州  
廢來屬有弱水

下宕州歷代爲諸羌所據元魏武帝時始內附封爲宕  
昌王後周立宕昌國武帝天和元年置宕州隋大業初  
州廢爲宕昌郡唐武德元年復爲宕州天寶元年曰懷  
道郡領縣二

下懷道縣後周置及立甘松郡隋開皇初郡廢屬宕州

唐爲州治貞觀三年省和戎縣入焉

下良恭縣本陽宕後周置及立宕昌郡唐屬宕州貞觀元年以成州廢後州廢復爲宕昌郡唐屬宕州貞觀元年以成州之潭水來屬後省入焉

下都督府豐州春秋爲戎狄戰國屬趙秦屬九原郡漢屬五原郡東漢因之魏晉後爲匈奴所沒隋文帝置豐州煬帝初州廢置五原郡唐貞觀四年以突厥降戶立豐州不領縣十一年州廢入靈州二十三年復立天寶元年曰九原郡領縣二

中下九原縣二漢屬五原郡後沒匈奴唐永徽四年復置

中下永豐縣唐永徽元年置麟德元年別置豐安縣天寶末省東受降城唐景雲二年朔方軍總管張仁愿築三受降城

中受降城有拂雲堆祠

西受降城開元初爲河所圯十年總管張說於城東別置新城北三百里有鷓鴣泉

上宥州歷代地理與鹽州同唐調露元年於靈夏南境

以降突厥立魯州麗州含州塞州依州契州以唐人爲  
刺史謂之六胡州長安四年併爲匡長二州神龍三年  
立蘭池都督府分六州爲縣開元十年復立魯麗契塞  
四州十年平康待賓遷其人於河南及江淮十八年復  
爲匡長二州二十六年還所遷胡戶立宥州及延思等  
縣天寶元年曰寧朔郡至德二載更郡曰懷德乾元元  
年復故名寶應後廢元和九年於經畧軍復置距故州  
東北三百里十五年徙治長澤爲吐蕃所破長慶四年  
節度使李祐復奏置領縣二

中延思縣唐開元二十六年以故匡州地置又以故塞  
門縣地置懷德縣以故蘭池州之長泉縣地置歸仁  
縣寶應後皆省元和九年復置延思有經畧軍在榆  
多勒城天寶中王忠嗣奏置

中下長澤縣本漢三封縣地屬朔方郡後省元魏置長  
澤及立闡熙大安二郡又立長州隋開皇三年郡並  
廢大業三年州廢入朔方郡唐貞觀七年立長州十  
三年州廢隸夏州元和十五年來屬有胡洛鹽池



程